

衢縣志

第一冊

卷首
總目
圖
卷一
象
緯
志

鄭永禧纂

鄭渭川先生遺稿

目録

目録

上

余紹宋題



校刊衢縣志弁言

余序衢縣志之明年渭川先生遽下世又明年縣長某君倡議修訂是稿設所謂委員會聘地方人士從事焉余聞而非之慮其點竄失真或因人事變易至於散失乃商諸省立圖書館長陳君訓慈爲錄副存館既三年矣而修訂之舉亦寢蓋莫能贊一辭也前年冬衢縣創設難民工廠先生介弟錫卿董其役廠有印工始謀校刊是編而苦財用弗給久之乃決用預約法集資爲之當是時尚有謂近十年事須補入者亦有疑其間有遺漏錯誤主增改者余謂此爲先生私人著述與集衆手而成之官書不同非他人所宜增損近事可俟將來續修縱有遺誤後

序

系

志

弁言

一

浙江衢縣五馬路

人不妨別作補正也衆無以難惟原著稱稿實先生爲謙之辭以爲私家著作未經邦人公同論定不得不然（自序謂與同人討論集思廣益蓋指

在付梓時行之稿爲序入其後先）

今既梓行奚必更仍其舊而衢丁

災劫之餘休養未遑安能議及斯事縱使議修而人才寥落前事具在誰復能更出手眼逾於是編是編精審余前序所稱絕無溢辭定爲正本無慚也雖昔時亦有以志稿行者乃狃於故習謂必以地方官憲名義主修今固無庸爾矣剗剗既竟錫卿深幸得傳其兄之遺書請記緣起而余亦欣鄉邦文獻之賴以弗替也遂書以冠簡端二十五年十二月余紹宋

故湖北恩施縣知事鄭公墓志銘

龍游余紹宋撰

公諱永禧字渭川姓鄭氏其先閩之福清人宋時繪流民圖諱俠者其始祖也至清初有諱士登者避耿精忠之亂始遷衢州西安實爲公之八世祖六世祖諱光璐五世祖諱萬育縣志俱有傳其世系詳見祖諱光璐但太學生父諱鏐歲貢世以文學著公生而穎異七歲能屬辭十歲畢諸經十二歲爲諸生時士人溺於制藝公心鄙之乃從同縣張松坪先生慈谿馮夢香先生游潛心古學自經義史籍以及金石文字咸喜推究校讎辨析不厭精詳而於古書雅記有涉及地方文獻者尤措意焉光緒中葉潘嶧琴學士督學浙江纂輯兩浙輶軒續錄公遂作西安懷舊錄上之多被采入是爲公修志之濫觴癸巳登副榜丁酉舉鄉試第一庚子拳禍作衢州遂有仇教戕官案公被誣連久始得解西安至停考試越二年科舉亦悉罷世變日亟公乃思陶成後學爲匡救之圖先後受仁和縣學堂衢州中學堂浙江兩級師範學校之聘凡所啓迪各饗其望及憲政議興被選爲諮議局議員辛亥革命後被任爲衢縣

衢縣縣志

故恩施縣知事鄭公墓志銘

浙江衢縣縣志

參事非其志也以有關地方事姑就之亦多建白五年任湖北恩施縣知事恩施地瘠民頑夙多盜難治公至首辦團防寇患遂絕留心獄訟不假手於人又多令和解使免訟累牛刀小試一時稱神君焉其縣舊志殘闕公擬重修以受代不果乃爲撰施州考古錄遺之爲異時修志之資其隨時意留一地方之文獻如是亦其夙志然矣罷官後家居遂意纂修衢縣志當是時士人震於新說競爲浮辭若地方文獻皆薄之以爲不足道其甚者且肆詆毀獨公與紹宋各發願修其縣志莫逆於心而未嘗顧也紹宋書先成公讀之甚加贊許而殺青之念益急顧助理難得其人乃獨力采訪凡街市坊表寺廟題額衙署碑碣宗譜序跋以及窮鄉僻壤之木雕石刻斷簡殘編靡不搜羅供其攷訂其漫漶難辨者或緣梯而上諦審摸索以得其真或多方互校必明其梗概而後已其勞乃十倍於紹宋焉十一年浙江省議會聘爲秘書長公以杭州舊籍較多參稽較便又欲藉此檢視舊署檔案欣然應之從公而外仍專力於茲事其中考正嘉慶舊志之訛誤者百數十條閱五年而稿定凡三十卷都

百餘萬言此五年間時與紹宋商榷義例辨析疑難函牘往還至多故惟紹宋能深知其成之難也當在議會時屬稿必以夜抽易增刪手自繕錄電炬炫目激刺至強目力遂大損比書成竟喪其明然猶慮有疎略命紹宋爲之校訂且屬序焉更四年以疾卒時二十年辛未二月二十八日也公秉性寬和樂易雖遭顛沛不以動其心猶憶庚子亂時公先期與紹宋同舟避居杭州於地方事絕無所預乃被誣至於削籍入獄未嘗有所怨懟泊旨後仍能以鉛筆試摸紙作書爲詩文以自遣無所憤懣自非學養純深安能如是生平一無嗜好惟喜讀書兼耽撰述已成者有高密易義家傳春秋地理同名異名考竹隱廬隨筆不其山館詩文存稿諸書其關於志事者尙有姑蔑地理變遷考衢州鄉土后言爛柯山志諸編而衢志尤爲其精力所注卒以殉其身斯學人之極哀已公生於同治五年六月十一日卒年六十有六先娶於何生女子七人先公二十八年卒繼娶於張卽松坪先生姪女生子二人長昌時上海大同大學畢業次昌和現肄業浙江大學工學院女子四人將以其年十二月六

行

事

示

女界重刊事蹟公案志名

一

浙江衢縣志

日卜葬於衢縣南關外之三角塘其弟永祚索銘於紹宋因念往者承公命校理志稿頗病近代人物一傳多取材墓誌稍失之寬公進汰其什之一慨然謂前人諛墓恆多溢辭而許紹宋作祝劄庵先生墓志爲合作功庵亦盡心志事積勞以歿者然則今日公之墓文舍紹宋將誰屬縱微仲氏之請亦安能恕然也迺爲銘曰

卓爾一編踵武盲史秉斯精誠雖死不死餘業縱弘安得媿此銘茲永藏懔哉同志

衢縣新志序

民國十年衢縣與吾龍游俱議修志龍志由余主修衢志則由世丈鄭渭川先生任其役其年九月余自舊都南歸省親先生亦自杭州返里因相與商榷體例余謂兩縣舊志體例均乖宜事改撰不宜僅依舊例續增先生難之然不以爲非也別後各自撰述三年之間簡牘往還輒論斯事先生時以采訪難備爲憂余幸有祝劼菴丈康祺爲主采訪時有所獲故拙志先成先生讀之甚加贊許且謂其書將據拙志更改體例竊意若是則脫稿益需時前年秋余復歸衢先生已因積勞傷目赴滬就醫比冬而返醫藥弗效已失明矣聞余歸亟屬金曉鐘君聲遠來

問訊金君者助先生收集志稿最力者也告余全志已成殊出意表亟走謁先生不及他事卽以稿本相屬曰余目已盲修正之責惟君任之余安敢當也然感其誠遂自忘其固陋輒就鄙見條其應斟酌者百餘事持與商榷凡余所陳多承采錄其不能采錄者詳言其由曲盡事情咸有裨致聞及故書雅記默誦如流嗚呼若先生者可謂盲於目而不盲於心者矣夫修志之業與作史同其成於衆手者必不逮獨撰者爲佳此義余於拙志後錄曾詳言之今先生此編亦如拙書出自獨撰故經營結構別具卓裁非舊志雜集衆手而式者所可比擬考衢縣舊志卽西安縣志存於今者凡兩部 爲康熙三十八年陳鵬年修

一爲嘉慶十五年姚瑩修陞志十二門尚有條理惟記載簡陋究不治於史裁姚志大體仿浙江通志分四十八門涉於繁瑣通志體例已乖縣志本與通志不同尤而效之更無是處其中人物一門分類益瑣竟至分割一人列於數類尤爲奇謬故其書一出物論譁然陳垣正誤之作其表徵也惜其指摘諸端涉於毛舉又多附會未中其失自嘉慶十五年迄今又閱百十餘年矣姚志既不足徵陳志已成孤簡其間文獻之待徵集修纂者復何限而洶洶之勢方殷尤虞放失今何幸而得此編也此編爲書凡三十卷各爲綱目條理秩然就體例言已勝舊志其中方言及碑碣兩篇拙志所闕曩亦曾思纂述卒以采訪

不備媿未能成而先生竟以獨力成之且精審爲全書之冠其他諸篇除人物志外亦極抉擇辯證之能事而補正兩舊志之闕失者無慮數百條此由先生讀書既多長於考證又夙關心鄉邦文獻時有記錄蘊積既深故能成茲宏製余敢謂衢人更無能出其右者其人物一端雖未經改撰而不爲無聊之分類已大勝於姚書蓋先生十分審慎不欲輕議前人之非明知舊志去取未公然以歷年既多無由集證至於近代又以憂譏畏譏之故難盡史魚之能其中苦辛亦有難予局外人以共諒者余深知之明達者當亦能默喻之也此編之成後於拙志者三年而不盡爲拙志所囿自標新例卓然成一家之言然後知先

生成竹在胸嚮所云云皆謙摛之詞固非不能自闢蹊徑也夫
衢夙爲文物之邦代有作者顧自輓近以來凋落殆盡其存者
多以衰病不克負荷斯事而新進之流驚於遠大亦未遑措意
及此文獻之存不絕如縷當先生編述時屢遭時變採訪稽遲
至於經用尤感支絀迭請官紳續籌無或應者危疑艱困如是
而先生持以毅力卒底於成則是以一身而兼一邦百十餘年
文獻絕續之任其功顧不偉哉昔昌黎先生謂史書不可輕爲
自丘明以降皆不免於天刑人禍志亦史也先生之盲世或舉
以爲徵驗然余固曾獨撰龍志其精密尙不若此編而殺青以
來絕未遭拂逆之事今且得遂初服嘯傲湖山書生之福不過

如此則又奚說故夫先生之盲也獨力撰述有以傷之也非作
志之咎也余之不獲咎也非精力過於先生也有祝劄文爲之
主采訪余惟事撰著勞逸固稍殊也今天下事之不堪寓目者
多矣盲亦何害盲於目而盲於心若先生者更何害昔左氏
固曾以盲史而擅千古之譽矣安見先生此編於方志中不擅
譽於將來耶盲史之後乃有盲志而先生之名益彰盲果何損
於先生哉今以將授梓人屬金君馳書命余爲之序余雖龍游
人而四世居衢先壘在焉猶衢人也既前後與知其事感先生
之誠又懼世人或以先生之盲爲口實而疑其書爰序其緣以
告來世十八年四月龍游余紹宋序於杭州之寓齋

衢縣志序

衢邑鄭君渭川以所纂縣志將付剞劂寓書問序西孤陋惡足

語此鄭君意謂西曩知縣事有志此業見諸重刊西安縣志弁

言者章章矣若然又曷可拂其意猶憶丙寅夏西自五雲解組

歸訪鄭君於省議會之東廡獲觀所爲衢縣志藁雖發鈔未竣

僅窺見一斑然其搜輯胥密兼采康熙嘉慶二書之卷帙事則

舉其所知舊聞一本西安縣志慮不足則取楊公府志以益之

又不足更求明代趙葉兩公舊府志以補正之亦因友朋既周

既審而鄭君猶以爲未足也謂西曰君治衢久其亦有遺聞逸

事足資攷證者乎願就此藁一商榷之西唯唯因思管年未竟

衢縣志

桂序

浙江舊志局五縣

之志倘有暇貢其一畧之愚甯非至幸迺未幾風崔告警此願
竟不果償雖然鄭君固好學深思於鄉邦之山川文獻風土利
病研心有素者矣西於是書友何能贊一辭獨念衢爲浙東重
鎮控閩贛通徽睦襟山帶水儼然一大都會也顧其民風則純
樸習勤儉守禮法爲他邑所不及爲士者皆砥礪廉隅能急公
不辟勞怨任地方事不因以爲利西學治於是邦者三載性迂
闊地方人不我愚籌振設防諸大端幸免隕戮得力於邦人士
者爲多古者天子省方巡守命太史陳詩以觀民風命市納賈
以觀民之所好惡漢書地理志於民質良樸俗尙貞淫亦殷殷
致意焉風俗者國家所以治亂興衰者也吾知是書一出衢俗

之美益彰而其影響於人羣者甚大行見登之國府比諸金鏡
衢之幸又豈獨衢之幸哉

民國十有七年孟秋中浣
靳春桂鑄西戠於西泠寓齋

自序

衢本舊西安縣治，民國肇造，廢除府制，始以府之名名縣，而有今名也。其掌故依然，志乘失修，百餘載矣。遜清一代業此者，惟陳姚兩氏，今猶得而見之。然察兩氏之旨，微有不同。陳志語多質，趨重民生疾苦；姚志語多文，但取雍容揄揚。蓋一則草創甫定，復戎馬之瀕臨；一則承平有年，正科名之鼎盛。其所值運會使然也。嚮往昔讀書，遇有本鄉掌故，輒命筆錄之。由是有西安懷舊錄之作。繼有衢州鄉土卮言之作，姑蔑地理變遷考之作。又有爛柯山志之作。一隅之見，誠無當於大雅之一噓。今忽忽二十年來，世情衰歇，萬事轉燭。以今視昔，固自不侔。聞鄉先達

衢 系

示

自序

一

浙江衢縣五縣
立平民工廠

言前此欲行修志，屢議輒沮。入民國後，事益紛煩，官制既更，檔案銷毀，欲訪遺老而零落盡矣。庚申之歲，嚮由鄂歸里，省親同人，有提及修志者。適黃岡沈卓如道尹蒞衢，任固鄂中舊識也。首倡斯舉，命知事劉蔭榕商諸地方同人，無不樂爲贊助。協款既定，而以筆政屬之。嚮頻年奔走，未獲寧居，深懼弗克負荷。莫副諸君子雅望，兢兢自矢，惟是竭咫尺聞寸見，以襄厥成。乃爲條理，采訪考察，諸大端稍稍就緒。嚮旋就省議會聘，順赴圖書館，檢繙文瀾閣遺籍，館長章君仲銘與嚮至好，每有心得，時錫教言。嚮因折中陳姚兩志，權衡時宜，有未盡者，並采楊公府志以益之。惜其書脫謬，滋甚，不無隱憾。會余君越園纂修龍游志

葉君佐文掌北京圖書館覓得明代趙葉兩公舊府志亟請抄錄一通余君親攜之南下參互考證補正良多私懷少慰竊取宿稿再易之越園龍游志先成禮例精嚴大有龍門筆意還視已就之稿自以爲弗如思更延名宿釐定之又以迫於人事絀於財力有所不遑爰將斯稿質諸同人共相討論同人不以禧個人之淺陋集思廣益削繁歸簡爲志十七詩文內外編二略師陳例區別部居各系子目並加列表都三十卷凡百萬餘言較舊志約增四分之三擬先排印如干部以存其概禧請仍留稿字無刪雖不敢仰比明史藁亦知此非定本俟後有繼起者踵成完帙可也書既竟謹附數言並綴陳姚兩序冠於策明區

符 縣

志

自序

二

浙江舊志編纂五

區之心猶是矩矱前賢不欲攘美云爾

中華民國十有五年秋仲上丁釋菜日縣人鄭永禧述

康熙西安縣志原序

原文

昔先王鑄鼎象物以知神奸使民不途不若至其省方觀民命太史陳詩觀其貞淫
奢儉以施其慶讓而列國山川風物因各有紀載之書此郡邑志乘之所由來也春
秋時晉有董史齊有南史楚有左史並世其官守之勿失而士大夫又皆身通六藝
擅良史之才登高能賦遇物能銘卽一物不知引爲已恥况夫膺土田疆索之寄輯
和其人民而周知其物采者乎故志之缺不可以不舉而舉之久尤不可以不修余
自通籍來凡過都歷國必詢討其志乘首稽其立法命意之所存因以見某山某水
則向所寄懷而遙集者在焉某偉人某鉅公則向所景行而欽慕者在焉自以爲賢
於讀游覽紀載之書也及乙亥筮仕西安下車就所司訓邑志所在則曰無有余心
竊惟之既久之而得明天啓間西安大參葉公所修郡志一種又久之而得嘉靖間
須江大中丞趙公鐸所修又一種更莫知所自始而葉志西安學賸書目中有司鐸
留君文選所著西安志四冊補志二冊則自二公時已不可考嗚呼世遠年湮作而
衍 縣 志 舊序

新訂增補

修修而殘殘而佚有固然者失此不同今之徵信者又轉瞬而殘佚矣後有作者將
安所冀耶因以上申各憲請從事於斯均得報可以戊寅之冬延聘邑紳前進士徐
君之凱主其事而遴集邑中篤學好古耆宿學髦之士得十人焉共鳩厥成八閱月
而竣以壽諸梓其大要皆折衷引伸於郡志可因則因之宜創則創之而已夫自明
肅宗以迄今日已一百八十餘年乃疆宇如故也山川如故也宮牆典秩如故也官
司職守如故也若是者宜因然因非可以具文沿襲爲也明堂郊祀之制漢儒莫能
詳其始府兵兩稅之法唐人莫能善其終因其可易乎若本朝定鼎以來典章法物
彬彬質有其文矣有肇而闢者有增而廓者有湮墜而飭者有解弦而張者若是
宜創然非深維其興廢損益之所以然雖創而失其義矣以蘭臺之著述而中郎欲
別以志傳以陳壽之成書而松之則獨以註顯龍門曠世之才而太原疑其謗魏收
中州之彥而鄴下譏其穢創之難爲創不尤甚於因之難爲因也哉是故有關疑崇
古也若郭公夏五焉有原始返本也若江樽耳飲焉有索隱廣義也若實沈臺駘焉

有利用濟時也若均輸平準焉凡此皆仁人君子所以考鏡源流權衡今昔而善其
因與創之用者也志其可忽乎哉曩者志未編輯恭逢今上辛亥之春初詔天下郡
邑各彙集志乘上之所司合爲通志以仍一統志之舊而西邑無志因以郡志雜上
主者輒乙之及今志成序之深爲惋惜歎憲章之盛典不再覲也而於人倫之澄敘
賦役之章程有未悉者尤耿耿焉然而得是集也以之修明政治扶進醇風則亦庶
乎其有當矣時康熙三十八年歲次己卯冬月吉日賜進士第文林郎知西安縣事
長沙陳鵬年撰

嘉慶西安縣志原序

原文
楷書

昔晉代石季甯得郿令不知其風土舉家憂之其舅車茂安以書問陸雲雲作書報之爲陳其山川土田之美吏民恭敬之懷且曰漢吳以來臨此縣者無不遷顯於是車得書欣喜稱雲書爲典誥蓋其時縣邑尙未有專志也信安有志不知昉自何時見於直齋書錄者衛玠原刻誤珍所撰十六卷在嘉定己卯葉汝明續志二卷在紹定初則皆南宋時也時又有鄉先生袁采君載輯有信安志方秋崖稱其持論質直簡古可風予初補官此邑卽購訪是書但得袁所著世範於鮑氏叢書中文辭淳厚有益風教顧獨不得所爲志用是憮然迺更求元至大間朱總管霽與留文溟所修二志亦俱不可得因思西安自康熙三十九年滄洲陳公纂輯邑乘之後迄今一百十餘年邑中之典章文獻政治民風闕寂未有紀載昔先高祖憂菴公從康親王大軍出仙霞關招撫耿逆建殊勳五年而秉節鉞當時効力疆場戎馬馳騁經由此地欲問其事而父老無能道者蓋前志之失載多矣今躬逢盛世薄海內外一道同風自慚

循

舉

志

卷之二

三

新工部書局石印
聯立平民工廠印

固陋不克上承祖烈惠愛民生而志乘一書使殘缺不修心滋惡焉適紳士有修志之請而龔君大鑒樂爲之倡因聘范君崇楷等分任纂修之事復延僑寓胡香海進士及兩庠司鐸陳公楊公余公皆博雅君子也相與蒐輯註籍網羅舊聞所採書不下五百餘種拾遺補闕增簡汰繁視舊志之草創者略爲可據班固有言先王之迹旣遠地名又數改易是以旁研抽祕詮次爲難遂與諸公先定規模仿通志條例別類分門用備考鏡而又幸承乏於茲已閱五載政安人和得與薦紳先生從容於文籍間凡十餘月歲事而邑中之典章文獻信而有徵政治民風燦然大備竊幸是書之克以有成也因援筆而書於簡端嘉慶十六年歲次辛未暮春月賜進士出身文林郎知西安縣事姚寶燿撰

衢縣志總目

卷首 衢志源流考

釋衢

古西安同名異地考

修志膚言

凡例

圖

卷一 象緯志 四目

星紀 經度 氣候 五行

卷二 方輿志 六目

沿革 疆里 山脈 河流 坊巷 鄉莊

卷三 建置志上 六目

衢縣志 總目

城池 公廨 學校 法團 善舉 郵電

卷四 建置志下 三目

壇廟 寺觀 附教 會館

卷五 食貨志上 七目

戶口 糧賦 貢推 倉儲 蠲振 鹽法 錢幣

卷六 食貨志下 七目

農田 水利 林場 礦區 商市 天產品 製造品

卷七 古蹟志 六目

故城 舊署 坊表 塔 宅第園亭 附樓臺 冢墓

卷八 風俗志 四目

禮儀 習尚 節序 方言

卷九 防衛志 五目

軍備 屯衛 巡警 民團 歷代兵事記

卷十 官師志 三目

治官表 附駐衛同城長官 學師表 武官表

卷十一 族望志

族望表

卷十二 爵秩志 二目

封贈表 仕進表

卷十三 選舉志 七目

文科表 武科表 明經表 薦辟表 國學表 附捐貢史材 鄉選表 游學畢

業表

卷十四 藝文志上 二目

經部 史部

卷十五 藝文志下 三目

子部 集部 附錄

卷十六 碑碣志一

城署儒學類

卷十七 碑碣志二

名勝公益類

卷十八 碑碣志三

神廟生祠類

卷十九 碑碣志四

寺墓類

卷二十 名宦志 附宦蹟舉要

卷二十一 人物志一

浙江舊縣志

浙江舊縣志

聯立平民工廠印